

Коррупцияга қарши курашиш йўлида ташланаётган қадамлар

Мустақил диёримизнинг равнақи, фуқароларнинг осойишталиги йўлида мамлакатимизда коррупцияга қарши курашиш соҳасида муҳим ташкилий-хуқуқий ислоҳотлар, жамиятда коррупцияга муросасиз муносабатни шакллантиришга йўналтирилган тизимли чора-тадбирлар белгиланмоқда.

Ўзбекисон Республикаси Президентининг 2020 йил 29 июндаги "Ўзбекистон Республикасида коррупцияга қарши курашиш тизимини такомиллаштириш бўйича қўшимча чора-тадбирлари тўғрисида"ги фармонининг қабул қилиниши ҳам коррупция иллатига қарши курашишда муҳим амалий қадамлардан бири бўлди.

Ушбу ҳаракатларнинг давоми сифатида Коррупцияга қарши курашиш миллий агентлигининг 2021 йил 19 августдаги 4-сонли мажлис қарорига биноан ҳалқ депутатлари Қорақолпоғистон Республикаси, вилоятлар ва Тошкент шаҳар кенгашларида Коррупцияга қарши курашиш худудий Кенгашлари тузилди ҳамда уларнинг низоми ва худудий кенгашлар аъзоларининг наъмунавий рўйхати тасдиқланди.

Ўзбекистон Республикасининг 2021 йил 18 ноябрдаги "Ўзбекистон Республикасида коррупцияга қарши курашиш тизими такомиллаштирилиши муносабати билан Ўзбекистон Республикасининг айрим қонун ҳужжатлариiga ўзгартиш ва қўшимчалар киритиш тўғрисида"ги ЎРҚ-729-сонли Қонунига асосан, Бирлашган Миллатлар Ташкилотининг Коррупцияга қарши конвенциясига қўшилиш тўғрисидаги қонунга ўзгартириш киритилиб, Ўзбекистон Республикаси Бош прокуратураси, Ички ишлар вазирлиги, Давлат хавфсизлик хизмати ва Адлия вазирлиги билан бир қаторда Ўзбекистон Республикаси Коррупцияга қарши курашиш агентлиги коррупциянинг олдини олиш бўйича аниқ чора-тадбирлар ишлаб чиқиш ва уларни амалга оширишда бошқа иштирокчи давлатларга ёрдам кўрсатиши мумкин бўлган органлар сифатида белгиланди.

Ўзбекистон Республикасининг 1997 йил 25 апрелда қабул қилинган 409-1-сонли Қонуни билан тасдиқланган Ўзбекистон Республикасининг Жиноят-ижроия кодекси 18-моддаси учинчи қисм билан тўлдирилиб, Ўзбекистон Республикаси Коррупцияга қарши курашиш агентлиги ходимлари ўз ваколатлари доирасида коррупцияга оид ҳуқуқбузарликлар содир этилишининг сабаблари ва шартшароитларини ўрганиш ҳамда таҳлил қилиш мақсадида жазони ижро этиш муассасаларига монеликсиз киришга, зарур ҳужжатлар билан танишишга ҳақли эканлиги белгиланди.

Фарғона вилоят судлари томонидан белгиланган режа асосида коррупцияга қарши курашиш йўлида махалла фуқаролар йиғинлари, корхона ташкилотлар, муассаса ва бошқа идораларда муттасил равишда ҳуқуқий тарғибот ишлари амалга ошириб келинмоқда.

Буларнинг барчаси жамиятда адолатни қарор топтириш, коррупцияга қарши кураш борасидатоптириш, коррупцияга қарши кураш борасида ҳуқуқий маданиятни юксалтириш, порахўрлик, таъмагирлик каби ҳуқуқбузарликларни аниқлаш ва уларга чек қўйиш, бундай жиноятларга қарши жазо муқаррарлигини таъминлашга қаратилгандир.

Жиноят ишлари бўйича Ўзбекистон туман судининг раиси

2022-05-25 11:54:22